

四庫全書

史部

欽定四庫全書

史部

欽定四庫全書
舊唐書卷一百一十八至一百二十

詳校官庶吉士臣范逢恩

檢討臣德生覆勘

總校官進士 程嘉謨

校對官進士名單可堪

謄錄監生黃珩

欽定四庫全書

欽定日下舊聞考卷一百十八

京畿

香河縣

源香河縣在府東西一百二十里

明一
統志

臣等謹按香河縣明洪武間省入灤縣十三年復

置屬順天府

本朝因之

增縣東西距四十五里南北距五十五里東至寶坻縣

界三十里西至通州界十五里南至武清縣界二十五里北至三河縣界三十里東南至武清縣崔黃口營七十里西南至武清縣治六十里東北至薊州界九十里西北至通州治七十里

大清一統志

原在漕河之東八里

漕河圖志

原香河本武清縣之孫村遼于新倉置擁鹽院居民聚

集因分武清潞縣置

遼史

增清泰三年晉祖以遼主有援立之勞遂以山前後十

六州遺遼改為燕京因置新倉鎮其後居民漸聚成井肆遂於武清北鄙孫村度地之宜分武清潞縣三河之民置香河縣仍以新倉鎮隸焉

新建寶
坻縣記

臣等謹按遼之新倉鎮即今寶坻縣城也在香河

縣東六十里金大定十二年始即其地置縣遼時寶坻境地亦屬香河

增遼分武清三河潞縣三邑于孫村置縣縣東南濱水多生芰荷夏秋之間其香馥郁因名香河

國經
志書

補宣和四年更香河縣名清化

宋史地理志

臣等謹按宋更縣名後不四年即入于金故清化

之名志沿革者類不及之

增邑疆域本廣自金大定十二年設寶坻縣割邑以東

地始狹

香河縣志

原遼屬析津府金初屬大興府承安三年屬盈州元初屬大興府至元十三年置涿州遂割以來屬洪武元年

屬涿州今隸北平府

清類天文分野之書

補宣和七年十二月吐哩布陷清化縣壞鹽場時宣撫使蔡靖與運使呂頤浩李興權修葺城隍固結人心以為守禦之備使銀牌使奏朝廷大臣謂郊祀在過區其奏不以聞

北盟會編

原宋聚香河偶成朔風初定晚霜晴獨坐寒廳日轉極怪得無人來訴訟羽林獵騎盡還營

燕石集

原縣舊為土城正德二年始易以甌嘉靖四十二年知縣事范經增高之城門四東曰淑陽南曰永明西曰迎

恩北曰拱極

香河縣志

臣等謹按縣城于乾隆三十二年重修南門額改曰永清餘仍舊

原縣治在城之西儒學在縣治之東洪武四年知縣韓

琚所建也

香河縣志

增文廟在西街舊偏近市萬歷二十年知縣陳增美議

更之至次年春大興土木視前湫隘煥然閎深矣

同上

臣

等謹按縣治儒學俱在城之西明邑令陳增美

重修儒學記載縣志

本朝康熙八年邑令邱應登重修有通政使司通政使

邑人袁懋德碑記

增射圃在儒學東洪武五年創築

圖經
志書

臣等謹按射圃久廢

增白潞河在城西八里南流經武清縣境至小直沽入

于海

圖經
志書

臣等謹按白潞河即運河也自邑之西北與通州

接壤處流入境至武清縣界出境小直沽今隸天

津

增駱駝港在縣北八里源自三河縣之兔兒山流經縣

界入白河

名勝志

臣等謹按縣北有前駱駝港距城十里後駱駝港

距城十四里三河之兔兒山在港西北

原扳罾口河源自通州之孤山麓流經縣西入于白河

名勝

志

臣

等謹按扳罾口在縣西十里運河之旁每夏秋

水漲通州以南之水皆匯于窩頭河至扳罾口入

運河非孤山之麓別有泉源也

增蒼頭河在城西北二十里

香河縣志

臣等謹按蒼頭河今名窩頭河伏秋之交通州煙郊以南之水皆匯于窩頭分為二支一支南流入板罾口運河一支東流至吳村匯于百家灣蒲石河等處經七里莊入寶坻界雍正四年

世宗憲皇帝命王大臣相度疏濬窩頭河起縣境之百家灣至寶坻之八門城計長九十五里

原嘉靖十四年十一月香河縣郭家莊自開新河一道

長一百七十丈濶五十一丈有奇較舊河近十餘里有

司以聞命祭告河神

明世宗實錄

臣等謹按郭家莊在縣西北八十二里距運河北

岸不遠明嘉靖中自開新河一道今湮

原百家灣在縣北其水無源四時不竭相傳有居人百

家淪沒于此風雨昏晦尚聞雞犬之聲

長安客話

增百家灣形如半壁深不可測夜晴月照萬頃滌波明

萬歷壬午知縣王訪種紅白蓮勒碑銘鐫詩詞以誌其

勝香河
縣志

增蒲石河在城東下流至寶坻縣入于海

國經志書

臣等謹按蒲石河在城東十五里又名蒲池河上

承百家灣見各莊駱駝港三處水下入牛家港達

寶坻境

原香河縣境南有大龍灣小龍灣二水夏秋始合流經

寶坻縣界入七里海相傳遼時海運故道

長安客話

臣等謹按大龍灣今名青龍灣在城南四十里小

龍灣在城南四十五里雍正八年奉

旨開青龍灣引河自縣治南中營莊歷寶坻境直達寧
河之寧車沽計長九十里境內之水藉以宣洩七
里海今在寧河縣境

原至元十一年十一月以香河荒地千頃置中衛屯

元史

臣等謹按元時中衛屯今廢

原營州前屯衛在香河縣治東本在舊大寧衛境永樂

元年移於此

方輿
紀要

臣等謹按明時衛署久廢今城內東北隅尚有前衛後衛地名

原隆安寺在縣治東明成化中重修有禮部郎中直文淵閣關西倪讓碑中書舍人直文淵閣廣昌王禮書

香河

縣志

臣等謹按隆安寺在城西俗名東大寺以其在縣治之東故得此名也寺漸就頽圯明時倪讓碑尚存

增靈塔在隆安寺方丈塔廢僅存銘石高四五尺許八

角濶徑尺元時僧定仁塔也

香河縣志

原元大都路香河縣坊市西道院仁公塔記略 師諱定仁淑陽人俗姓陳氏幼出家禮隆安為師得法于幽居道人至元七年八月示寂大德三年八月比邱僧定書丹 同上

增縣治西隆興寺前塔高十餘丈建自元時圯於明嘉靖間僅存遺址至萬歷壬子知縣徐一鳴壘石高之以

為文筆峯

同上

臣等謹按隆興寺在城西北隅俗名西大寺寺及

塔俱漸頽廢明時邑教諭馬如龍重修碑記萬歷四十年立今尚存

原鐵佛堂在縣東南十六里

香河縣志

原香河鐵佛寺舊有鐵佛像高丈餘元至正中佛見夢於僧曰吾緣法不當住此將辭汝去僧以鐵鑲鑲佛臂一夕竟移去東光寺獨所鑲臂存至今為寺供養

燕山叢錄

原香城塔在縣南二十里

香河縣志

臣等謹按香城塔今尚存高五丈餘塔之左有寺

曰棲隱寺內有康熙六十一年住持僧德意重修
碑記稱寺與塔係遼時建未知何據也

欽定日下舊聞考卷一百十八

欽定四庫全書

欽定日下舊聞考卷一百十九

京畿

霸州一

原霸州在府南二百一十里

明一統志

臣等謹按霸州明屬順天府

本朝因之在府南一百八十里

增東西距一百八十里南北距四十里東至天津府靜海縣界一百里西至保定府新城縣界十八里南至保

定縣界十五里北至固安縣界二十五里東南至文安

縣治六十里西南至保定府雄縣治九十里東北至永

清縣治五十里西北至涿州治一百二十里

大清一統志

原霸州本秦上谷郡地

太平寰宇記

原漢屬渤海郡後漢屬廣陽國河間郡晉屬章武國後

屬河間燕郡

輿地廣記

原後魏屬章武郡

方輿紀要

原隋初屬瀛州大業初屬河間涿郡

清類天文分野之書

原唐初屬幽州天寶初屬范陽郡五代石晉時入於遼

方輿
紀要

原周顯德六年夏四月庚寅韓通奏自滄州治水道入
遼境柵於乾寧軍南補壞防開游口三十六遂通瀛莫
辛卯上至滄州即日帥步騎數萬發滄州直趨遼之境
壬辰至乾寧軍遼寧州刺史王洪舉城降己亥至獨流
口沂流而西辛丑至益津關遼守將終廷輝以城降自
是以西水路漸隘不能勝巨艦乃舍之癸卯入瓦橋關

於是闕南悉平

通鑑

補周以數千之師伐遼不血刃而取益津關繼取瓦橋關又繼取高陽關是三關者晉人棄之以為遼之元首非

特為其右臂也

高山集

補世宗由滄州北順水而行先降益津關次瓦橋關次

瀛州

演繁露

原五月以益津關為霸州割文安大城二縣隸之地望

為中州

五代會要

原發濱棣丁夫數千城霸州命韓通董其役辛亥以侍

衛馬步都指揮使韓令坤為霸州都部署

通鑑

原益津關本幽州會昌縣唐天寶中改永清縣

續通典

原宋景祐元年省永清縣入文安徙文安縣為州治皇

祐元年仍徙舊地

九域志

原遼高勲為南京留守宋略地益津關勲擊敗之

遼史

原政和三年陞永清郡靖康初入於金天會七年置信

安軍屬河間路貞元二年屬中都路元屬大都路

清類天文

分野

之書

原明初以益津縣省入仍曰霸州

方輿紀要

增漢置益昌縣屬涿郡後漢廢為安次縣地唐為永清地周顯德六年收復益津關置霸州宋亦曰霸州金大定間復置益津縣為州治元亦曰霸州中統四年省益津縣入州治至元二年復置明洪武初仍省縣入州屬

順天府

大清一統志

原州以霸水名

郡縣釋名

原州城舊傳燕昭王所築

名勝志

原霸城宋將楊延朗修葺以控遼當時號為北方重鎮

沿城有七十餘井亦延朗所鑿謂之護城井

長安客話

臣等謹按七十二井今僅存十井

原景泰五年四月修霸州土城

明景帝實錄

原州舊有土墉蓋金元時所築弘治中始磚甃北面正

德中復修完三面嘉靖十九年增修

城邑考

原城高三丈五尺周環六里餘堞一千五百一十有二

城下濠深一丈二尺廣七尺門三東曰臨津南曰文明
北曰瞻極北甕城門曰迎恩東曰旭升南曰向離西不

設門而樓臺具焉

霸州志

補顧清霸州修河繕城記 霸州在京師南二百餘里
厥壤卑下西北諸山水散行燕趙間比其合皆滙於是
既滙而盈然後東流出丁字沽會白河以入于海其源
衆而委迫遇霖潦則溢而上壞民田廬舍歲用不登氓
以告病州之城築以土無甃石之固水至則齧之歲久
益壞弘治戊午東魯劉君珩來治是邦是歲築河隄起
涿州東境接固安楊先務荆堡等村至州之趙村務臨
津水口經州南關過保定文安蘇家橋抵大城縣之辛
張口總三百餘里廣尋有二尺趾倍之崇丈有八尺旁
植柳以為固其間為水口一百六十有七隄既成水乃

無患已未麗州城先北面當水衝者以次及其餘城舊無南門樓至是新作之并為樓于北城與故東西二樓相望皆飾以丹漆基以剛石可久弗壞其外為深濬跨四橋于濬上當城之門城之高丈有七尺周六里三百二十步濬之深如城之高而殺其一尺其上為國防防之上亦樹以柳凡一十七月而隄與城俱竣二役所費薪膏槌瓦木石之類為錢以四十萬計皆官自經紀不以煩民既訖工又以其餘力作大橋于州東苑家口以濟往來之人新州學縣器師生會食器作順天府行府太僕分寺馬神廟及諸藏庾廨舍壇壝衢路以次一新而民不知費可謂得佚道使民之義矣

東江集

原州治在城西隅洪武庚戌建儒學在州治東元初建

至皇慶二年置瞻學田有碑

霸州志

原王思誠重修廟學記 為政之道其所始在於厚風俗厚之之本必由於學校是以教隆於上則俗美於下理之必然也百里之邑千里之郡推而至于天下宜異是哉國家崇儒重道內立監學外而郡邑皆設學官誠以風化之所係也人才之所出也至正十一年春奉訓大夫宛州王公從善來守霸郡視篆之初即拜謁先聖廟見其牆垣廢傾齋舍固有講席無所施廼顧瞻太息謂學正孟之晉曰學校不治則風俗何自而易移人才何由而作興豈非承流宣化者之責與於是令民子弟之俊秀者即入學肄習權葺一室使之受業公首捐俸金以作新學校而謀于同僚同僚僉允亦各捐俸以助民之好義者効其力不日而得錢若干緡遂市瓦木重修講堂三間創建東西齋舍十有二楹築牆周圍務以堅固政月而功畢上不費于公帑下不擾於民庶昔也荒蕪如彼今也輪奐若此使師生有所依教養有所託將見風俗淳美人才輩出公之承宣德意可謂知本矣

公前任松江府推官治獄明恕平反甚衆人人誦其廉
明自南而來者口不絕稱今公之守甯郡甫下車善者
趨而迎奸者畏而遁革弊起廢號令一新士庶歌于途
農民樂于野修民堰一十八里及南北兩關橋道井井
有法民之感戴其能已乎之晉以狀來盛稱公念念不
忘于學校不可不記其事寄于金石俾異時為政者有
所取法幸為之記余聞而題之則復之曰昔文翁治蜀
至今聲名照映簡冊者以為治之有所本也王公以學
校為先其文翁之心哉余亦有說焉興作學校固郡守
之職然典教者能以守之心為心則教養可期其效苟
非其人則亦徒為虛舍為守者能不憾歟今之晉乃鄒
國公五十二代孫德性純厚文學充裕則教養之施公
可無憾矣公字仲祥世居兗之滕村性鯁直決疑剖事
無留難此特記其政事之大略爾當有執史筆者詳書
之至正十一年

立石 同上

臣等謹按州志明嘉靖丁亥知州劉璋修學建尊經閣及學舍郡人兵部郎中賈銓有記其啟聖祠敬一亭嘉靖丁未副使周復俊所建

又按州志學田明副使周復俊梁有年遞增置之明末以修築取土漸為渾水充斥今存二頃餘

原州城南十五里宮家莊舊有益津書院元時宮君祺建翰林學士黃潛記之萬厯初如臯錢藻備兵霸上移建城內即公館一區加勦堊焉仍扁曰益津書院

長安客話

臣等謹按州志明萬厯間參政顧雲程重修益津

書院都給事中劉為楫記今廢

原黃潛宣聖廟學記 霸州之益津人宮君祺即其西鄉所居宮哥莊作學舍合韓謝莊子弟肄業其中且為廟像先聖先賢以春秋旦望奠謁如學宮法念無以示永久爰狀其事走京師請奎章閣侍書學士內翰虞伯生為之記公方有大論議未暇如君祺請乃以扶授潛俾執筆而書之潛惟古之施教導民有本有原必由鄉以達於國是以六鄉之吏去民愈近者為教愈詳一歲之中州長之屬民讀法者四黨正七族師十有四而閭胥則無時焉若夫二十五家之閭則又有門塾而以仕焉而已者為之左右師雖閭胥弗親也故上之教不煩而民之為仕者恒足賴其詩曰攸介攸止罔我髦士人生其時獨何幸歟今郡邑用著令既咸得立學承宣德

欽定四庫全書

卷一百十九

七

意而崇厲之厥有師帥而歸閭之教希濶弗講雖朴茂之資何以培其根而達其枝也哉君祺不自耀其材以取顯仕而主昌平之侯館固非有長民者之責乃能汲汲焉圖所以私淑其人如此可謂有志于古矣昔者魯修泮宮而春秋不書說者曰此有國之常事爾君祺之為蓋禮之以義起而出于常事之外者也可無書乎凡廟學總為屋十餘楹費錢若干緡經始於至順二年春二月而落成於秋八月翰林直學士趙公子昌與君祺居相望實有以相之具來請記則冬十二月也至順三年立石

黃文獻集

原益津廢縣今州治

方輿紀要

原州城東北隅有渚水故益津縣治也廣三里許中有東岳祠武廟時巨璫張忠所建廟東水曰鹽厥河每歲

冰泮輒有水鳥千羣容與其上

霸州志

原霸臺舊在州署後圃其後改題于州治左譙樓之臺

長安客話

臣等謹按焦樓遺址今尚存

原瓦河與城南之沙唐二河合即五渠水也俗謂之長

鳴溝

名勝志

原霸城南沙河與唐河合流處俗呼飛魚口即漁津窪

也一名五渠水又名長鳴水

長安客話

臣等謹按長鳴水久淤今城南八里有漁津窪村

村南里許即玉帶河

原後魏延興初文安縣人孫願捕魚於五渠水有羣魚自西來共以柴塞之忽有人謂願曰須臾當得大魚若欲多求宜勿殺也願下網果得大魚狀如鯉而頭大殺食之俄風雨晝昏唯聞鳥飛聲比風息雨霽有人乘船至云見羣魚無數飛入於海願遂不復漁矣因呼入海之處為飛魚口也

三郡記

臣等謹按孫願州志願作碩

原王樂善五渠晚渡詩
野潦浮平楚扁舟續馬蹄揚
舠風漸緊落日望金迷林暝漁燈出天空雁陣低叩艇
歸意嬾清興屬
幽栖扣角集

原引馬洞楊延朗所穿始自州城中通雄縣

名勝志

臣等謹按縣志引馬洞今湮廢

原州舊有神霄宮在州治之南丁真人嘗居之

長安客話

臣等謹按神霄宮今廢

原霸州酒務四熙寧中權三萬貫

熙寧酒課

原澄清街舊有酒樓元華亭管訥為學正有東城酒樓

花滿煙之句今廢

霸州志

原宋端拱二年詔置榷場于霸州便南北界貿易

同上

原遼軍馬三萬餘匹歲牧于雄霸間謂之南征馬意欲

夸示中國實備燕雲緩急之用

謀夏錄

增巨馬河舊在州北宋界河也自保定府雄縣流入

方輿

紀要

增巨馬河在州北自蘆溝橋經州境東合界河後徙南

孟店北至直沽入海今淤

霸州志

原霸在宋時益與遼分界處若今靖邊諸城一垣之外即敵境也州北一里舊有界河相傳楊延朗建草橋于

此關因以名

長安客話

增界河在州北一里上接蘆溝下通東海即宋遼分界

處今淤草橋關基址不可考

霸州志

原塘灤緣邊諸水所聚因以限遼河北屯田司緣邊安撫司皆掌之而以河北轉運使兼都大制置凡水之淺

深屯田司季申工部其水東起滄州界拒海岸黑龍港
西至乾寧軍沿永濟河合破船淀灰淀方淀為一水衡
廣一百二十里縱九十里至一百三十里其深五尺東
起乾寧軍西信安軍永濟渠為一水西合鷺巢淀陳人
淀燕丹淀大光淀孟宗淀為一水衡廣一百一十里縱
三十里或五十里其深丈餘或六尺東起信安軍永濟
渠西至霸州莫金口合水紋淀得勝淀下光淀小蘭淀
李子淀大蘭淀為一水衡廣七十里或十五里或六里

其深六尺或七尺東北起霸州莫金口西南保定軍父母砦合糧料淀廻淀為一水衡廣二十七里縱八里其深六尺霸州至保定軍並塘岸水最淺故咸平景德中遼軍南牧以霸州信安軍為歸路東南起保安軍西北雄州合百水淀黑羊淀小蓮花淀為一水衡廣六十里縱二十五里或十里其深八尺或九尺東起雄州西至順安軍合大蓮花淀洛陽淀牛橫淀康池淀疇淀白羊淀為一水衡廣七十里縱三十里或四十五里其深一

丈或六尺或七尺東起順安軍西邊吳淀至保州合齊
女淀勞淀為一水衡廣三十餘里縱百五十里其深一
丈三尺或一丈起安肅廣信軍之南保州西北畜沈苑
河為塘衡廣三十里縱十里其深五尺淺或三尺曰沈
苑泊自保州西合鷄距泉尚泉為稻田方田衡廣十里
其深五尺至三尺曰西塘泊

宋史河渠志

補雄霸景德之間塘水初不相接因名東塘西塘二塘
之交蕩然可以為遼人入界路遂置保定軍界于景德

二州以當敵衝決後開導不已二塘相連雖不甚浩渺而敵路亦稍梗矣

太平治
迹統類

原淳化四年春詔六宅使何承矩等督戍兵萬八千人自霸州界引滹沱水灌稻為屯田用實軍廩且為備禦

焉

宋史河
渠志

臣等謹按滹沱故道由河間至任邱五官淀出茅

兒灣按五官淀在今保定文安二縣界河渠志所云自霸州界引滹沱水當因保定文安原屬霸州

統州屬而言非專指州界也

又按今滹沱河改由大城縣子牙河入淀歸海不復由茅兒灣故道

原往歲六宅使何承矩議因陂澤之地瀦水為塞欲自相度恐其謀泄日會僚佐泛船置酒賞蓼花作蓼花遊數十篇因命座客屬和畫以為圖傳至京師人莫喻其意自此始壅諸淀慶厯中內侍湯懷敏復踵為之至熙寧中又開徐村柳莊等滌於是自保州西北沈遠滌東

盡滄州泛枯海幾八百里悉為瀦潦其濶處有及六七
十里者至今為藩籬而澱淤之處皆變斥鹵為美田而
魚蟹菰蒲之利人亦賴之

夢溪
筆談

原泰定三年都水監言河間路水患古儉河自北門外
始依舊疏通至大城縣界以洩上源水勢引入鹽河古
陳玉帶河自軍司口浚治至雄州歸信縣界以導淀潦
積潦注之易河黃龍港自鑠井口開鑿至文安縣玳瑁
口以通灤水經火燒淀轉流入海計河宜疏者三十處

元史河

渠志

增州城之南太堡村有浣神祠

州冊

臣等謹按東西兩浣向無神祠乾隆三十二年六月奉

勅建浣神祠額曰甸流承祐聯曰澤藪奠堯封溥利綏予千里坊庸準幽蜡肇殷秩彼百川

觀音閣額曰智淵普鏡皆

御書

增

御製淀神祠碑文 畿南之地廣衍多隰衆水所鍾翕
之渟之呀然成淵而以時輸壑者則惟淀淀之名始見
於左思魏都賦所謂掘鯉之淀是也字亦為濺水經注
新唐書志皆云九十九澱酈道元又稱為清河後世約
其數為七十有二其名皆不可臚舉其散見宋遼金史
者今或淤廢或傳聞為舛所可指者不過四十餘其他
或曰泊曰窪曰窩曰港隨方俗所稱而統言之則東西

兩淀西淀之大周三百餘里槩周一縣四東淀尤大周
四百里而贏槩州縣七其為藪澤也廣故畿內之水大
則沽渝濡沁派滋易涑小則山泉澗流無所不容而旁
境之溝澮汙濘亦無所不赴其受水多故兩淀又各有經
河以條貫醞導之依成溫義亢其首四角引其吭玉帶
會同緣其督扼以茅灣掖以中亭十望絡以南北中三
股飲于臺頭滌于大清河趨西沽為尾閭之洩焉其上
則千里長堤控界維鞏下則格淀隄以拒子牙六郎諸

之不可復則有詠而三灘里淀隄之弗屬者出帑繕之
亦為紹我

祖烈以求民寧維時春水方渙和颺習颺烝徒弗勦繁
川祇寶昭厥佑爰進大吏詔之曰惟淀繁薄左輔表延
且千里理大物博用阜乂我畿內民曷可弗重以神事
其相地飭祠用饗迺發外府金二萬五千卜度兩淀中
庀材經始之閏再募工葺堂廡既崇輝庀咸列以妥以
恪式副盛典大吏復額以明年春蒞而落之且以碑辭

請則又繹告之曰惟浚實嘉利我甸人匪今斯今始神
之福而浚左右耆庶婦孺歲時祈報走廟下則自今始
神實馮而歆之惟是母靈母潦母有蓄沴豐殖錫康俾
我民其永利用光我秩祀有司亦無怠祠事毋弛民
工益迓神惠而溥浚之利識其詳謹肇祀也

增乾隆三十五年

御製浚神祠瞻禮紀事成什 江湖河海各

神司豈浚而無

神蒞之向命東西中擇陸

是祠建于東西兩淀適中之地

今看典塏處

成祠贊

天宣佑靈哉沛行地安瀾福以綏虔奉辦香申慶落康

田功額錫民隆

增乾隆三十八年

御製淀神祠瞻禮疊舊作韻 贊

天端藉萬神司兩淀惟資

神佑之舟泛清流通一水岸瞻瀨宇到叢祠肅茲三叩

精誠達異我蒸民安樂綏

鳳舸載臨同致敬永陪

福履沐鴻釐

臣等謹按淀神祠

御製詩謹繹有關紀述者恭載卷內餘不備錄

增太堡村恭建

行宮

州冊

臣等謹按太堡村

行宮乾隆三十五年建

行殿額曰澄懷鏡治聯曰行慶順輿情那居同樂來巡
籌溥利廣浚資安東次間聯曰麗日和風春澹蕩
花香鳥語物昭蘇西次間聯曰不生波處心恒足
大寂光天相總融

御題行館八景曰

靜寧齋曰

頤慶堂曰惠暢樓曰互鏡軒曰

問源亭曰

延清閣曰澄淥池曰引薰廊

頤慶堂聯曰四海為家欽養志萬年介祉永承歡惠暢
樓聯曰無邊生意歸芳甸有象清明繪野郊皆

御書

增乾隆三十五年

御製題淀祠旁行館八景詩 淀池旁構此數楹為臨
總治事之所既靜而寧式愜觀民深意 祠旁隙地構

欽定四庫全書

欽定四庫全書
欽定四庫全書

九

軒廊慶落斯干翠蹕停成事由來導不說

地方吏於神祠旁近嘗

行館以工用無多初未入奏

輿情亦祇付權聽詎欣室

宇茲臨憩實願波瀾永靜寧大吏傳宣前席問水鄉民

氣可蘓醒

右靜寧齋

春巡掖

輦行慶順輿情也斯堂安適用祝

頤和 江園悠而遠淀地近且便三春奉

遊豫一例

御舟船祝

蝦吏民切

頤和定省虔歡心同衆籲

慈壽永千年

右頤慶堂

登樓矚遠宛然江鄉景物順時布

惠無暢心神

惠風

和暢日春水綠波時物意皆自得

吾民可若斯

右惠暢樓

軒跨兩池間夾鏡光融足資互照

兩水夾明鏡此同跨河中構敞軒通却因喻鑑思唐

帝不是臨風懷謝公

右互鏡軒

疏渠引入牆東注為沼

坐此可悟源頭活水

引淀進牆間聞處斯源耳若論

淀之源奚啻千百里拘墟源則近達觀源則彌隙中觀

關者勝負安知彼子瞻著名言早揭斯亭旨

右問源亭

閣

臨碕岸瑩徹無塵固是延攬清吟之助 雲廊一曲一

折碕岸既高既低延得三春清景遂成六字新題

右延清閣

方池渟渚淀波淨淥澄涵安瀾之義斯在 春水既

泮春水方新澹澹澄淥依依可人七十有二名難盡識

淀祠卜茲會極歸極院絲絲綠柳罨畫紅欄日麗風和亦

不波瀾有魚于淵或躍以起觸景成吟如是而已

右古澄淥池

曲廊引薰解阜實省方先務詎惟揣稱命名溪上

有樓亦有堂誰其引之曰有廊展步既平循窈窕遊目

無閤賞煙光南風薰兮將作矣茅土時兮安有此

右引薰廊

臣等謹按

行宮八景

御製詩恭載首見之篇餘不備錄

欽定日下舊聞考卷一百十九

欽定日下舊聞考卷一百十九舉正

己亥至獨流口原書己亥訛作丁酉今據通鑑改

周顯

德六年夏

四月條

轉流入海原書訛作流轉今據元史改

泰定三年條

欽定日下舊聞考卷一百十九舉正

欽定四庫全書

欽定日下舊聞考卷一百二十

京畿霸州二

原巨馬河自盧溝河分流經固安縣過州治北東合白溝河後徙流州治西會霸水至直沽入海今霸水淤塞巨馬琉璃諸河復合流經州治北東入東安永清縣界

方輿
紀要

原成化七年十一月霸州知州蔣愷固安知縣賈貴奏

霸州城北古有草橋界河一道上接渾河下至小直沽
順流東注於海永樂間渾河改西南流道經固安新城
雄縣沿至霸州新河一帶水勢不順漸已淤塞累衝決
為居民患近日決孫家口東流入河又東抵三角淀小
直沽入海乃其故道請因其就下之勢修築堤岸使順
流注海上從之

明憲宗
實錄

原琉璃河在州西北五十里自良鄉縣合上流諸水東
南流入州界會於巨馬河

方輿
紀要

臣等謹按琉璃河即古聖水太平寰宇記聖水俗名迴城水源出良鄉縣西北玉石山明一統志琉璃河在良鄉南四十里金史作劉李河舊志謂古聖水自房山龍泉峪流至霸州入拒馬河今按

大清一統志涿州西三十里東岸有渾河決口土人云舊時渾河從固安故城村決而西南至茨村東北合琉璃河復分為二後渾河漸徙而東至康熙二十七年琉璃河南入新城縣界近年隨宜修治凡

琉璃河所經涿州固安永清東安霸州故道皆為
渾河之經流矣

原沙城堤西至臨津固安縣界白廟東抵清口永清縣
界信安縣亘八十里明洪武中知州梁伯常築萬歷甲

戌副使錢藻增修

霸州志

臣等謹按沙城堤在霸州北明洪武十六年築以
障渾河今廢有沙城村

原楊奐晚至青口作長年困行役短髮易飄零世事
驚春夢交親散曉星燒痕侵路黑柳色夾堤青落日明

霞底原情動脊
鵲還山遺稿

原沙城臺山二村皆平壤也土人語云臺山無山沙城

無城臺山村在州東

長安客話

原普濟寺在州東門外至正二年建

霸州志

臣等謹按普濟寺遺址尚存

原考棧園在州東十五里隆慶戊辰建安濟橋

霸州志

臣等謹按安濟橋在中亭河上

增中亭河在霸州南一名新挑河又名栲栳圈河上自

蓮花臺下達臺山綿亘數十里歲久淤塞明嘉靖間副使陸坤循故道修濬後復淤

本朝康熙三十八年

聖祖命河臣王新命重濬上接十王堂下入臺山分減玉帶河水勢築上下六工堤以衛州治雍正四年復開支河一道以廣灌溉乾隆九年自岔河口至魚津村復

行挑濬二十八年于中亭河北岸設涵洞四座

大清
一統志

增乾隆三十二年

御製中亭河詩
中亭入玉帶玉帶即清河中亭洩渾

漲壑窄難容多蕩漾沙遠留至此為澄波受小不受大

此理信不磨嘉淦孫

孫

督直時

在乾隆
庚申年

謬聽人言訛謂渾

河故道即此實非他建議放乎此千村歎淪過知誤乃

改為

嘉淦議開永定南岸復渾河故道後渾
流下注浸溢田廬旋于辛酉春堵塞

民已嗟蹉

跏趺不十不變法語誠不我訛經過得親見

中亭河受永定金門牖盛

漲分減之水消納無多及至玉帶河則已成清水孫嘉
淦誤聽人言于金門牆之上開放南岸水由牯牛諸河
下注中亭至不能容遂趨窪地村民受潦因命急堵築
決口方不為患今親臨閱視益知嘉淦前議之謬向曾

有詩紀事因
詳識而正之
悔過成新哦

增乾隆三十八年

御製中亭河二首
中亭原是淀支流偶洩渾河水漲

秋誤聽人言昔致患

乾隆庚申朕誤聽孫嘉淦建議于金門牆之上開放南岸水由牯牛

諸河下注中亭至不能容窪地村莊受潦隨于辛酉春堵塞及丁亥親臨閱視益知前議之謬有詩紀事未

經親見事難籌
萬事都胥親見之當無暇給應為

去聲

遲重華明目達聰者未必勞勞日若斯

臣等謹按中亭河

御製詩謹繹有關紀述者恭載卷內餘不備錄

增牘牛河即廣陽鹽溝二水之會流也二水至良鄉縣城東南合流為三义口南流至任村西南入大清河一遇水漲奔騰衝突土人謂之牘牛河良涿固霸之間累被其害雍正四年于任村之南開濬新河東南逕涿州界東固安縣西北循盧溝故道南逕霸州之南孟等村抵拷撓園入中亭河長二百餘里自是潦水有歸

大清一

志

臣等謹按牯牛河道乾隆九年奉

旨復加開濬

原會同河在州東十八里上接玉帶河下至蘇橋衆流至此合而為一所謂苑口秋濤也景泰癸酉建苑家口關弘治甲寅知州事徐以貞造舟三十艘聯以鐵索上布以板隨水升降以通輿馬

霸州志

增今諸河俱改流上流惟中亭一支與玉帶河南北相望其下自霸州東三岔口分為三派一東北流逕臺山

會中亭河又東出紀家淀逕勝芳鎮曰勝芳河為北派
一東流由趙家房逕托裏淀出郭家窪會勝芳河為中
派一東流由下馬頭逕崔家房張家嘴抵左家莊泊石
溝河為南派

大清
一統志

臣等謹按會同河即通濟河至蘇橋而下分為三
派一由千里長堤轉東北入淀名南支河一由趙
家房村歸淀名中支河其正河由臺山村會中亭
河至文安之勝芳鎮合南中二支河直注入海

原苑家口洪濤彌望無際或謂之夾河

方輿紀要

原夾河源自上谷涿鹿山合胡良河至州界

名勝志

原通濟河由苑家口遠撓繞圈經闕王堂山川壇折而

北入護城河蓋逆流也每秋潦溢舟楫直抵城下

霸州志

臣等謹按州志通濟河今由苑家口經蘇家橋入

北股河至文安小河泊其入護城河故道今淤

原橫堤在城東十八里南抵苑家口北抵撓繞圈西來諸水至此壅阻斂入會同河河口狹流卒難連泄致上

游為災副使顧褒議盡決此堤以殺水勢使回臺山注
信安或阻之乃止霸州志

霸州志

臣等謹按州志橫堤

本朝順治年間因河水冲決堤廢

原臨津堤自涿州東境接固安揚先務荆堡至州之趙家務臨津經州南關抵苑家口縣延百里弘治戊午知

州事劉珩築

霸州志

臣等謹按臨津堤今廢

原普和寺在煎茶鋪城東二十五里堤自劉化營經州

城北抵信安鎮知州毛實增築

霸州志

臣等謹按普和寺及煎茶鋪今皆無考

原平曲城在縣東三十二里漢景帝封公孫渾邪為平

曲侯即此地

太平寰宇記

臣等謹按州志城東二十里有平曲村

原平曲侯公孫渾邪以將軍擊吳楚用隴西太守侯

漢書

原平曲城公孫渾邪卒葬于此俗名花達墓在霸州東

二十五里

長安客話

原莫金口城漢封公孫渾邪為平曲侯即其地

九域志

原莫金山相傳以莫金二姓居此而名宋設莫金口寨

于此俗名口頭村

方輿紀要

增莫金山在州南十二里宋設莫金寨於此

大清一統志

原桃花寨去莫金口五里

元混一方輿勝覽

原州東二十里曰臺山九河水所經也臺基三如鼎峙

又五里曰雁頭山

名勝志

臣等謹按州志舊稱南山臺山莫金雁頭諸勝後
經河水衝齧皆成平陸

原雁頭山在州城東南三十五里

明一統志

原宋有劉家渦刁魚莫金口阿翁雁頭黎陽喜渦鹿角
八砦政和三年改劉家渦砦曰安平阿翁曰仁孝雁頭

曰和寧喜渦曰喜安

宋史地理志

原馬貉堤在城東四十里田家口由棘針墳至信安鎮

霸州志

臣等謹按馬貉堤相傳宋楊延朗所築堤形尚存
棘針墳今不可考

原信安城宋之信安軍也

志名
勝

臣等謹按今州東四十五里有信安鎮

原城在州東五十里唐置淤口關後沒于遼周世宗收

復置淤口寨

紀方
要輿

增漢景帝六年隴西太守公孫渾邪封平曲侯即此城

也

上同

原太平興國六年以霸州淤口砦建破鹵軍景德二年

改為信安

宋史

原信安軍砦六周和軍西五里刁魚軍北三步田家軍

東一十里狼城軍東五十里佛聖渦軍東五十里李詳

軍東六十里

九城志

原元豐四年割鹿角砦隸信安軍

宋史

原金初因宋為信安軍大定七年降為信安縣隸霸州

金史地理志

遷忠顯校尉仍賞錢五千貫詔從之

金史本傳 按伊喇舊作移刺從八

旗姓譜改正仲夾努舊作衆家奴今對音譯改

原張仁義金末徙家益都元太宗下山東仁義乃走信

安時燕薊已下獨信安猶為金守其主將知仁義勇而

有謀用之左右國兵圍信安仁義率敢死士三百開門

出戰圍解以功署軍馬總管守信安踰十年度不能支

乃與主將舉城內附

元史張禧傳

原楊傑珠格從額蘇倫攻信安信安城四面阻水其帥

張進數月不降傑珠格曰彼恃巨浸我師進不得利退

不得歸不若往說之凡三往乃降

元史本傳按珠格蒙古語聞散也舊作

只哥額蘇倫蒙古語和也舊作阿朮魯今俱譯改

原元時府縣俱廢

方輿紀要

原信安軍有永濟渠宋咸平中置塘灤以為邊備今廢

同上

原南山在霸州城東七十里喬松修竹周匝十里內有

亭臺為一郡之勝

明一統志

原高橋淀在州東七十里周三十里西為拷撓圈衆流所聚也州壤卑下西北諸山之水多滙于州境然後東流出丁字沽注白河以入於海弘治中築河堤起涿州東境接固安至州境之趙村務臨津水口經州南關長二百餘里傍植榆柳以為固其間為水口一百六十有七至文安縣之蘇家橋大成縣之辛家口而止今多崩

壤

方輿紀要

臣等謹按高橋淀今名大浪淀久淤高處已成沃

原伊喇益為霸州刺史郡東南有堤久頽圯水屢為害

益增修之民以為便

金史本傳舊作移刺益

按伊喇益今譯改

原狼臧城去信安城三十里又十里為拆城宋將楊延

朗屯兵拒遼于此

名勝志

補伊喇爾詣太祖軍門獻十策帝召見問爾生何地

對曰霸州因號為霸州元帥

元史爾蒙古語

和也按伊喇義見前爾舊作移刺

湟兒今譯改

補舒穆魯拜達勒仕金為霸州平曲水砦管民官木華

黎率師至霸州迎降

同上

按舒穆魯義見前拜達勤蒙古語形像也舊作石抹孛迭兒

改今譯

原大良驛在州東八十里

方輿紀要

臣等謹按大良驛今無考

原古南關城圖經云趙武靈王所築以朝鮮有闕城故

此云南關城

大城志

臣等謹按古南關城今無考

原沙河在州南與瓦河唐河合流而東蓋九河之水匯

流于安州雄縣之界溢而旁出者也

方輿紀要

臣等謹按沙河與瓦河唐河合流處即魚津窪也

原宣德六年二月順天府尹李庸奏永樂中決新城縣之高從周口衝激泥沙遂已淤塞霸州桑園里朱家莊張貴莊約四里餘每年水漲無所通泄湧漫倒流北灌海子凹牛欄佃等處其地不得耕種請量役民丁修理從之

明宣宗實錄

原霸水在州南三里白溝河之支流也自雄縣流入境

東會于巨馬河今湮廢

方輿紀要

原霸去都近去海亦近凡雲朔恒代諸山之水由天津入海者必經流霸出丁字沽總稱霸水

長安客話

原口外諸山之水自京西盧溝橋而下經固安永清至于信安瀝於三角淀達于直沽入于海良涿九川之水會于胡良河自楊家務而下經北樂店東過辛店至于信安此霸州以北之水也宣府紫荆白溝諸水自新城而下瀝于茅兒灣經保定玉帶河達于苑家口至于信

安直沽入于海易安苑肅唐蠡九河之水自雄縣而下東過茅兒灣入于苑家口山西五臺之水自河間而下經任邱滙于五官淀亦入于苑家口此霸州以南之水也南北二川東狹淤淺堤岸蕩蝕不足以容萬派之流水至則瀰漫無際溢入丈安大城積為巨浸民不得耕治之之法不以壅而以導不先于決口而始于下流按直沽之上有大淀有小淀有三角淀廣延六七十里深止四五尺若因而增益之又為之堤以停蓄衆水而以

者久淤今則自新城而下會于白溝河其州南之
水自河間而下至苑家口者即滹沱故道也亦久
淤今則自真定南至深州衡水北折而逕獻縣入
子牙河達直沽惟宣府紫荆白溝及易安苑肅各
河之水自雄縣而下匯于茅兒灣入苑家口者故
道不改

原王世貞霸水夜泊詩 高帆去不極天際見人家繫
網青楓樹藏身白荻花 迴風喧雁鷺隙日出魚蝦亦有
垂綸地兵戈敢自
誇 弇州山人集

原漢光祿大夫周堪墓在城南二里

九域志

臣等謹按周堪墓今無考

原雙柳東西二寨相去十餘里

元混一方興勝覽

臣等謹按雙柳二寨今無考

原正德五年九月霸州劉六劉七齊彥名原係謀逆太監劉瑾門下瑾敗遂糾賊眾流劫地方後又增入楊虎趙鏐號趙風子劉惠等共二十五名分為二十八營共有人馬一十七萬五千各授偽官張打奉天征討元帥旗幟上以金書聯對云虎賁三千直抵幽燕之地龍飛九五重開混沌之天又于老營以大紅綵緞書英雄吞海嶽氣勢轉乾坤攻破州縣幾二百殺死總兵馮楨叅將王景都指揮王保詹濟潘州同知郁采指揮知縣雜

職數十員姦淫婦女磔挂充殘不可言也所過獄囚即
放為助庫藏兵甲即取為用又每題詩各地有平欺敵
將虎擒羊縱橫六合誰敢捕又有幾回月下敲金鉦多
少英雄喪膽寒之句大畧劉六劉七齊彥名等多在河
南湖廣而劉惠趙鏐楊虎多在河北山東彼此間奔走
直至山西江南直隸方絕時七年冬矣楊虎劉六劉七
為水渰死齊彥名陣亡劉惠射傷自焚獨趙鏐僧服逃
至江夏生擒嗚呼擾亂六省延踰二年豈非數也哉

七修類藁

補馬銚霸州城行霸州城外水遶牆霸州城頭戍卒
強四門高樓接烟霧紫迴十里多垂楊去年豺虎滿天
地此城南北皆戰場至今落日照白骨血霑野草猶淋
浪當時別縣人皆走此城之人苦相守五馬使君身姓
王募招壯士犒牛酒遂令萬夫同一心彎弓罵賊不絕
口固安與霸為隣縣此事分明眼中見乃知設險可守

邦區區省費非
民便百愚集



欽定日下舊聞考卷一百二十

欽定日下舊聞考卷一百二十舉正

霸水在州南原書州訛化川今改

霸水在州南三里條

東狹淤淺原書東訛作東今改

口外諸山之水條

欽定日下舊聞考卷一百二十舉正